

清鹽法志目錄

通例一

場產門

場竈

通例二

運銷門

引目

附轉運

通例三

徵權門

課稅

附徵解

奏銷

交代

盤查

通例四

緝私門

律例

通例五

職官門一

官制

附體式儀注

廻避

計典

通例六

職官門二 考成

通例七

經費門 俸廉

通例八

建置門 工程

通例九

雜記門 條約 附交涉成案

清鹽法志卷一

通例一

場產門

場竈

洪範有言水曰潤下潤下作鹹中國東瀕大海斥鹵甚廣
煮海之利溥矣黃河之曲瀦爲鹽澤江流濫觴亦有鹵源
於是有池鹽有井鹽誠哉地不愛寶也治鹽之區瀕海皆
曰場池鹽亦有以場名者獨滇蜀則以井著其治鹽或以
煎或以曬而煎曬丁戶統稱爲竈從其朔也志場竈

凡直省沿海及有池井之地聽民闢地爲場置竈開畦爲鹽而
授之商或官出帑收鹽授之商而行之以鹽課大使掌其場
之政令與場地之徵收治其交易審其權衡而平準之日稽

其所出之數以杜私販之源

凡各省諸色人戶有司察其數而歲報於部曰烟戶凡戶之別

有竈戶

各鹽場井竈
丁是為竈戶

凡民之著於籍其別有四四曰竈籍

竈戶即
為竈籍

凡編保甲戶給以門牌書其家長之名與其丁男之數而歲更
之十家為牌牌有頭十牌為甲甲有長十甲為保保有正稽
其犯令作隱者而報焉各鹽場井之竈戶另編牌甲所雇工
人隨竈戶另註令場員督察

凡田地之別有竈地

長蘆山東兩淮浙江福建
廣東竈丁之地曰竈地

順治元年覆准場竈照額煎鹽大使親驗按月開報運使如有

隱匿以通同治罪

順治十七年題准鹽場設立公垣場官專司啓閉凡竈戶煎鹽

均令堆儲垣中與商交易如藏私室及垣外者卽以私鹽論

商人領引赴場亦在垣中買築場官驗明放行儻有私販夾

帶等弊該場官役一併重處御史李贊元疏言臣稽往制各

有團煎之法場分幾團分幾戶輪流煎納丁鹽卽交官倉

輸折價不納丁鹽官煎之法廢弛已久所以多寡聽其自流

私販之禁終屬無益臣思官煎之法竈丁逃亡消耗萬難舉

凡竈戶煎出之鹽俱令堆積垣中與商交易猶之納丁鹽者

人領引赴場卽入垣中公買儻有竈戶一併重究帶與販積棍

卽潛來場地亦無鹽可易私鹽所議禁而自息凡竈戶煎燒

鹽斤俱令積之垣中以杜竈丁私賣之弊

又覆准竈丁不准充當衙役

康熙五十二年恩詔嗣後編審增益人丁止將滋生實數奏聞

其徵收辦糧但據五十年丁冊定為常額續生人丁永不加

賦

按竈丁定額自此始

乾隆元年議准各處竈丁俱藉鹽價以資養贍應令該管官於

掣鹽時公同酌定價值公平交易無許扣剋短少竈戶售私

律有明條凡遇拏獲私販必根究其買自何地賣自何人無

使私鹽透漏以肅鹺政王大臣奏大學士朱軾條奏摺言一竈戶煎鹽宜令商人助其資本并酌

定賣私治罪之條例也查定例竈丁人等夾帶餘鹽出場及私煎貨賣者同私鹽法乃近來拏獲私販止據現獲之人問

理並不根究竈戶不知私鹽皆竈戶所鬻若使場竈間無私出之鹽奸徒何從興販故欲杜絕私梟必先清查場竈而欲

絕人場至買之私出價又必先體恤其苦情凡除竈戶資令短多稱貸於
商獲實利由無多鹽復有餘且特官私縱之也臣以爲不宜令商人認於定
竈戶酌人給亦資大有益及其時煎曬雖時該管官連公同酌定不甯有缺
餘毋絕私售之弊竈而治之以法除老幼負資而十斤以無下缺許
後嚴絕私售之弊竈而治之以法除老幼負資而十斤以無下缺許
照外例人非給老幼籍大非使驗明掛號四其出場上並逐日概嚴行禁
此煎出識如鹽務令憑商商人儘力運及違例賣與臬販等弊將竈一
查明封識如鹽務令憑商商人儘力運及違例賣與臬販等弊將竈一
查分別究治該管大使以縱容論罪再盤查如微員則私法自愛
者甚少應將分司丞倅移駐場所責令盤查如微員則私法自愛
除竈可剋亦不短致受累等語查各處竈官俱藉由鹽價支各自贍
誠不竈可剋亦不短致受累等語查各處竈官俱藉由鹽價支各自贍
同據卽如兩廣督鄂彌達以該管官按照從前題加價價值給發
現據卽如兩廣督鄂彌達以該管官按照從前題加價價值給發
在議無商又河東鹽斤係由坐商自行燒曬雲南一省竈互官
辦並無商人均無庸置議外其餘各省鹽斤俱係商竈互相
交易今大學士朱軾奏稱窮乏竈戶多有認定竈戶酌資本至
買鹽給價權衡子母加倍剋請令商多人認定竈戶酌資本至

本儘力多買或露積或貯倉大使逐別一究治分司丞倅商人
 運及違例賣與臬販等弊將竈戶分額所買鹽斤均本有定數
 場竈監查等語查商人引目各有定額配銷而商人資本有虧
 今若令儘力多買則多買鹽斤無從配銷而商人資本有虧
 其分司丞倅原有一稽查之責自應竭力禁緝若欲移近場竈
 稽察而場竈亦非一處仍未免顧此而失彼是責令商人儘
 力買鹽存積并分司等官移駐之處均毋庸議至窮乏竈戶
 或有借貸商本而買鹽給價則權衡子母加倍剋扣窮乏竈誠
 有難堪應如所奏行令各該督撫鹽政轉飭該管官於掣鹽
 時公同酌定價值公平交易無許扣剋短少務使窮竈得有
 利益而竈戶私律有明條誠恐日久弛亦應如所奏行
 令各該督撫鹽政凡遇拏獲私販必根究其買自何地賣自
 何人無使私鹽
 透漏以肅齷政

乾隆三十七年諭編審人丁舊例原因生齒繁滋恐有漏戶避
 差之弊是以每屆五年查編造册以備考覈今丁銀既皆攤
 入地糧而滋生人戶又欽遵康熙五十二年恩旨永不加賦
 則五年編審不過沿襲虛文無裨實政况各省民穀細數俱

經該督撫於專摺奏報戶部覈實具奏付之史館紀載是戶口之歲增繁盛俱可按籍而稽更無藉五年一次另行查辦嗣後編審之例著永行停止

按編審竈丁亦於
是年停止

清鹽法志卷一終

清鹽法志卷二

通例二

運銷門

引目

附轉運

行鹽有引自宋始明時印造引日本屬內府清初始由戶部刊發蓋亦不私山海意也明制開中皆令各商納糧於邊而持引赴場支鹽商人往往以守支爲苦清廢開中之法令商納課行鹽其法便矣各省行鹽惟雲南向用票照不領部引其他各省皆須頒給部引以資信守道咸以後淮浙福建等處先後改行票鹽均已停引不領而長蘆山東河東兩廣四川等處則猶按年請領部引未之或廢殆亦所謂告朔餼羊者歟引目之用在於行鹽故以轉運附

之志引目

凡鹽法籍竈與商於官令出鹽行鹽量天下食鹽之戶而均布之凡鹽有海鹽有池鹽有井鹽有土鹽有口鹽皆視其產之多寡與其運之遠近以配引而各行於口岸

凡正引正票不敷民食則給餘引餘票與正同

順治元年定寶泉局刊鑄銅版刷印鹽引

順治三年差官督理淮浙引務加戶部侍郎銜駐紮揚州

順治六年鑄戶部鹽引印以鈐鹽引

順治七年停差督引部院仍令鹽運使司官吏赴部關領

順治十三年定巡鹽御史先領二季鹽引赴任其二季仍委官

赴領

康熙十一年鑄戶部鹽茶銀印二顆鈐鹽茶各引

康熙十二年定長蘆山東河東兩淮兩浙每年四季鹽引預支

戶部庫銀刷印交新差御史帶往俟解到紙硃銀補庫

康熙三十年覆准鑄戶部山東司鹽引之印二顆鈐各鹽引

乾隆十三年定各省鹽引每於歲終各該督撫鹽政差委官役

赴部請領部按其請領之數刷印發給

光緒二十七年奏准鑄造長蘆山東廣東四川河東陽曲等處

鹽引銅版三十二塊

戶部奏言臣部刷辦各處鹽引鑄設銅版向以刷印日久字蹟模糊每屆十年

題請換鑄一次同治初年因具題有稽時日改爲奏請換鑄上年秋間京師猝遭兵燹以致銅版遺失迨和局已定亟宜

舉辦以爲行鑄銅版以久遠查兩淮兩浙福建花馬小池之用應仍換鑄銅版以久遠查兩淮兩浙福建花馬小池

西和縣隴西縣丞等咸豐三年軍興後或改行票運或改課爲釐俱不領引擬請暫停鑄造外所有應請鑄造之長蘆八

塊山東六塊廣東八塊四川二塊河東七塊陽曲一塊統共
三十二塊恭候命下由部筭行寶泉局查照鹽引舊式揀選
淨銅安速鑄
造以便刷印

按陝西花馬大池漢中府鹽引銅版
因課歸地丁已於乾隆六十年停鑄

光緒三十三年奏准鑄造度支部筭權清吏司鹽茶之印二顆

度支部奏言臣部管理鹽茶兩項頒發引張向係分司承辦
茶歸陝西司鹽歸山東司茶引為數無多祇用司印而鹽引
每年頒發數百萬道另有鹽印二顆由司鈐用現在臣部改
併各司業將鹽茶兩項歸併筭權司承辦請飭禮部鑄造臣
部筭權司鹽茶印二顆文曰度
支部筭權司鹽茶印

附轉運

凡監臨鹽法官吏詭立偽名及內外權勢之人中納錢糧於各倉庫請買鹽

引勘合支領官侵奪民利者杖一百徒三年鹽貨入官鹽引

追繳

按此條係戶律課程內監臨勢要中鹽律文宣統二年因今無中鹽之名並無就中鹽本律比附援引之案律文刪

凡客商赴官中買鹽引勘合不親赴場支鹽中途增價轉賣以致轉賣

日多中買日少且詭冒易滋因而阻壞鹽法者買主賣主各杖八十牙保減

一等買主轉支之鹽貨賣主轉賣之價錢並入官其各行鹽地方鋪戶轉買

本主之拆賣者不用此律

按此條係戶律課程內阻壞鹽法律文宣統二年以其防中鹽弊端而設與上條同一無關引用律文刪

順治元年覆准商人行鹽水程填明賣銷地方完日同引繳查

不得告改或鹽引焚溺取具地方官印結查驗查實補買

順治十三年題准鹽政衙門不許商役互充

順治十四年題准勢豪不准占攬引窩商鋪不許自定價值如

有專利害民串通經紀攙賣勒索等弊該御史嚴行禁飭

順治十六年題准商人載鹽不論大小船均用火烙印記船頭
不許濫行封捉

順治十七年題准鹽船過關止納船料如有藉端盤驗額外要
求者以枉法治罪

康熙二年題准凡殷實人戶願行鹽者聽其頂補辦課不許簽
派滋擾

康熙七年議准行鹽地方將認過引目商人姓名取保結認狀

造冊報部並於年終取具並無派引累民印結送部吏科給事中王

承祖疏言在外州縣勒令百姓銷引皆按地畝攤派轉買於商人之手每引約費銀一兩陝西處處皆然近見長蘆巡鹽

御史參臨邑縣知縣包景星將鹽編派鄉紳地方按丁比課則亦有此弊請嚴飭禁斷下部議行并令行鹽地方將認過

引目商人姓名取保結認狀並無派引累民印結送部御史不時稽察於年終取具並無派引累民印結送部

又題准州縣衛所官勒令百姓買引私派戶口銷鹽者革職
司道府都司不查報巡鹽御史管鹽巡撫失於覺察照例議
處

康熙二十八年題准鹽店設立小票私畜鹽丁概行禁止有擅
用者照違禁例治罪

康熙四十五年覆准嗣後有商人告領帑銀者坐商責令巡鹽
御史等官連商責令督撫州縣官確查行鹽地方廣狹鹽本
家產厚薄出具印結並諸商連名互結送部察覈

康熙四十七年覆准私鹽之充斥皆由總商不革官自爲私各
賣已鹽以圖一時之利今將總商革去違者該督撫卽行指
參

乾隆二十八年議准各場商運鹽斤船戶勾通梟販盜賣爬搶等事呈報地方官詳報鹽政詳查確實准其與淹銷鹽斤一例補運所失鹽斤於各犯名下追繳解部充餉如商人自行串賣捏報搶竊照私鹽例從重治罪至商厮呈報地方官抑勒不行准理一經查出指名參處

嘉慶二年定商人領運引票在河內失水呈明地方官詳查確實結報鹽政運司鹽政印給照票飭商補運鹽斤在大江失水州縣官會同營員查勘確實限一月內通詳鹽道於州縣詳到日起限半月內覈轉鹽政印給照票飭商補運限三箇月過所運岸若係殘引殘票失火失水所有遺失引票數目由營汛地方官出結鹽道加結申報督撫鹽政覈實送部仍

於奏銷冊聲明題銷至補給印票同殘引一併繳部倘有奸商捏報查究治罪營汛地方官或有藉端勒索及通同捏報一併查參分別究擬

嘉慶十八年定掣鹽法馬

十六兩
爲一斤

工部如式鑄造會同戶部眼

同委員照依庫存祖法三面較準給發該委員領回仍取具領結存查

嘉慶二十二年議准引地交界處所鄰商鹽店止准開設數處餘俱移至三十里外以杜侵越

同治十三年定運商窩單卽令照窩行運不必官爲定價止准按綱給單不准豫請數綱售賣如本窩力絀不能運鹽或不願自行辦運准其售於新商認運不准轉賣於不行鹽之人

倘該商於開綱後並不投滾辦運又不退與新商卽由運司
提窩改簽以杜流弊

清鹽法志卷三

通例三

徵權門

課稅

附徵解

奏銷

交代

盤查

清初制定鹽法除明季加派新餉練餉雜項等名色以定課額其後雜款名色復以時孳乳而統命之爲鹽課自道光年間籌辦南河大工而始有鹽斤加價咸同年間各省辦理軍需而始行抽釐助餉是則於鹽課之外別立稅目矣光緒以後需餉浩繁重以償款於是加價重疊大都緣事以立名故宣統年間復有歸併課釐加價統一名稱之議此鹽稅之稱所由昉也鹽課錢糧向與丁漕並重徵解奏銷交代盤查一切事宜定例綦嚴今述課稅而以徵解

等事例附之亦以見慎重庫儲之意云爾志課稅

商課

鹽釐加價附

凡民間週歲額辦茶鹽商稅諸色課稅年終不納齊足者計不足之數以十分為率一分笞四十每一分加一等罪止杖八十追課納官若茶鹽運司鹽場茶局及稅務河泊所等官不行用心催辦課程年終比附上年課額虧欠兌缺者亦以十分論一分笞五十每一分加一等罪止杖一百所虧課程著落追補還官若官人戶已納而有隱瞞不附簿侵欺借用者並計賊以監守自盜論

按此條係戶律人戶虧兌課程文宣統二年以茶運司係明初名目今無其官於鹽運司上刪去茶字又笞四十

笞五十杖八十杖一百改作處四等罰處五等罰處八等罰處十等罰

一鹽課錢糧不完者將經督各官照分數議處外其各商名下應完鹽課作爲十分欠不及一分者責二十板欠一分者枷號一箇月責二十板欠二分者枷號一箇月半責二十五板欠三分者枷號兩箇月責三十板欠四分者枷號兩箇月半責三十五板欠五分者枷號三箇月責四十板以上欠課各商題參之日扣限一箇月全完者免處逾限不完照此例枷責如於枷限內全完者釋放免責如枷限滿日仍全不完納除杖責外將該商咨參革退並帶徵等項俱以引窩變抵欠六分者將該商杖六十徒一年所欠課項限四箇月全完欠七分者杖七十徒一年半限六箇月全完欠八分者杖八十徒二年限八箇月全完欠九分者杖九十徒二年半限十箇

月全完欠十分者杖一百徒三年限一年全完以上自六分至十分將該商鎖禁嚴查家產如限內全完革退商人免其杖徒儻逾限不完卽將該商發配所欠新課帶徵等項著落引窩家產變抵其額徵錢糧果能於歲內如數全完該御史按其課項多寡量給花紅匾額以別優劣

按此條例文舊載鹽法律內乾隆五年移附人戶虧兌課程律刪去歲內全完量給花紅等語宣統二年全條均刪

順治元年恩詔一鹽課前代天啓崇禎年間加派名色甚多深爲商厲今著盡行蠲免止按萬歷年間舊額按引徵課

又定寶泉局刊鑄銅版刷印鹽引每引納紙硃銀三釐附同正課交都轉鹽運使司按年解部以供刷印

順治二年上諭各運司鹽法明末遞年加增有新餉練餉及雜

項加派等銀深爲厲商今盡行蠲免止照舊額按引徵收本年仍酌免三分之一

順治八年三月上諭朕覽巡鹽御史崔允宏章奏因思各處報鹽課中常報有餘銀若干細思鹽課正額自應徵解若課外餘銀非多取諸商則侵克於民大屬弊政傳戶部都察院通行各鹽差御史及各鹽運司止許徵解額課不許分外勒索餘銀有御史及運司各官貪縱者許商民首告審確奏聞治罪用布朝廷恤商裕民至意

康熙十四年題准量增鹽課以濟軍需各省引鹽歲共三百六十三萬二千六百七十七引每引增銀五分共增銀十八萬一千六百三十三兩有奇此所增銀兩或每引增課五分或

照鹽引之課多寡均派令各該御史管鹽巡撫實心鼓舞不得苦累商人事平之日停止

康熙十六年議定各省割沒所報不等若照此徵收奸商借割沒之名反多夾帶秤掣之官或行派累應將割沒之名停止其銀兩均攤入正引內作正額徵收每引加鹽二十五斤其課銀照攤入之數加徵

康熙十七年議准遇閏加課

戶科給事中余國柱奏各處關差每逢閏月年連閏扣算計日交

代今鹽課定額不下三百餘萬有陝西西漳二縣及各鹽井遇閏加課其淮浙蘆東各巡鹽御史以及管鹽巡撫所轄並無加閏請按日扣課按課議增由西漳二縣及各鹽井加閏之數合計天下鹽課之額應增課銀二十餘萬於軍需不無

小補

康熙二十年恩詔康熙十七年各行鹽地方徵收閏月課銀除

已完外如拖欠者該巡撫御史保題到日優免此後閏月停其徵收

康熙三十八年諭直隸廣平府知府石佳彝年久操守好用度簡省著補兩淮鹽運使於正項錢糧之外伊每年應得者儘足伊用度存留餘銀解送河工兩浙長蘆兩廣河東福建此五處運使等亦照此俱解送河工將伊應得之分若不拏出亂派商人從重治罪

按各省鹽課雜款列有節省河餉自此始

康熙四十五年部筭自康熙四十五年起廣東等處六鹽差十四關差應發給每斤銅價銀一錢五分不在各差監督領取在江蘇安徽布政司庫內領取採買應令六鹽差將應給銅

斤腳價銀兩俱歸入正項錢糧徵收造入奏銷報部

按各省鹽課雜款列有銅斤腳價自此始

雍正元年十二月部筭從前各省交解飯銀並無定額今奉上

諭各省地丁正項錢糧元寶減為七兩散碎者十兩各關稅

鹽課飯銀元寶減為七兩散碎者十五兩永為定額

先是和碩怡親

王奏各省解到地丁鹽課關稅錢糧原有隨平銀兩具奏作為正

項錢糧查此項隨平即係從前飯銀今隨平雖有此飯銀與

外仍有飯銀乃皇上帝恩養部內人等斷不可裁有此飯銀與

正項錢糧甚有裨益若於飯銀之外仍解隨平銀兩出地方官

旨此項銀兩著行文各省停止
按此為各省鹽課隨收飯銀之例

雍正十二年奏准撥解部庫銀兩已據各處將減半餘平銀兩

隨同正餉附搭解部自雍正十二年為始凡協濟外省兵餉

及酌給本省支銷銀內存賸餘平銀兩悉行搭解部庫和碩果親

王等奏言直省起解地丁漕項鹽課關稅雜稅錢糧從前每

千兩應交餘平銀二十五兩雍正八年奉上諭著將辛亥年

春撥解部銀兩照從前餘平之數減去一半留於本省以備

地方公事之用欽此欽遵在案今查撥解部庫銀兩已據各

處將減半餘平十二兩五錢隨同正餉附搭解部請自雍正

十二年為始凡協濟外省兵餉及酌給本省支銷銀內存賸

餘平亦應遵旨存留一半備用其一銀兩悉行搭解部

庫乾隆三年奉上諭減半餘平銀兩一概停其解部

按此為各省鹽課隨收餘平之例

雍正十三年奏准鹽規既已歸公儻有不肖官員暗勒商人重

出以飽私橐者許該商控告治罪並令督撫鹽政時加訪察

違者參處至捐助一事嗣後鹽政等官儻有借名暗諭商總

勒令捐派者該督撫即將鹽政等題參督撫失察徇隱一併

議處和碩莊親王等議副都御史陳世瑄奏言鹽課引亦有

詐之徒仍與商人裕其資本乃出故在官多以一隨分之歸公者且狡

添一分則誅求此商受其弊者也又有所以捐助題請者名曰

暗增斤或高擡鹽價此國與民並受其弊者也請嗣後祇

得復於歸公之外勒索病商應如所奏嗣後儻有數完納豈

暗勒商人重出以飽私橐者許該商控告治罪並令該督撫

鹽政等勒派並將督撫失察及徇庇者均照例分別處分嗣後

官吏勒派並將督撫失察及徇庇者均照例分別處分嗣後

即失察徇庇將督撫一併議處

乾隆十九年十一月諭長蘆鹽政普福奏蘆東衆商情願捐銀

三十萬兩稍充軍營賞需之用且援金川之例爲請此甚非是金川用兵適當朕普免天下錢糧數千餘萬之後又值江

南水災賑濟撫恤需用過多是以兩淮蘆東浙閩等處各商之急公捐輸者不便阻其報効之忱俯允所請其實於軍需所費何裨萬一方國家全盛府庫充實適當準夷投誠者接踵而至應籌其遊牧俾令久安且彼自亂機有可乘此不過以餘力舉之已屬裕如而近年以來各省年穀順成倉儲豐羨卽去秋淮徐諸郡被水成災賑恤所需亦不下數百萬而每歲冬季八旗兵丁諸賞賚按例舉行並不因西北軍需於應用帑項稍存裁節之見統計經費仍復有盈無縮何至遽以商捐爲請耶向來偶遇軍興災賑之事不知輕重之人多思藉以開例報効然果使籌餉報荒動須經畫則捐輸踴躍原屬臣民忠愛之誠而此時則殊可不必况天地生財貴於

流通庫藏所積既多而臨時又復別籌取益殊非用財大道
朕所不爲軍需所費邊境資以流通郡內商民亦均爲有益
普福此見甚小著傳旨申飭恐各省復有踵而行之者是用
明降此旨諄切曉諭令內外諸臣共知朕意

嘉慶十四年正月諭本日據吳璈托津會同鐵保等奏籌議南
河經費一摺據稱查鹽斤一項乃民間日用所需而每口日
食不過三錢請於現行鹽價每斤酌加三釐統計兩淮長蘆
山東河東兩浙兩廣福建陝西甘肅九處雖額定斤兩多寡
不等按照兩淮原額計算除淮南各引業經奏加餘息無庸
再議外其餘各處照此徵課約計每年共可得銀四百餘萬
兩似與民生無損而經費稍少充實於要工有裨等語河防

係漕運民生時厯宵旰遇有應辦各工原不惜多費帑金爲一勞永逸之計惟是近年以來河患頻仍如海口運口及高堰堤壩等處要工層見疊出需用浩繁實屬不資國家經費有常豈能盡供工用勢不能不爲之設法調劑茲據吳璫等奏請酌加鹽價以備工需朕思鹽斤一項雖亦出之於民而與加賦少異蓋所加無多計每口食鹽之費歲不及二分似於閭閻生計不致大礙但各省情形亦有不同自難一概而論卽如兩淮地方濱臨河岸小民無不藉資保衛則將官鹽量爲加價諒所樂從其兩浙山東與江境毗連且每年漕運亦所必經誼難膜視他如長蘆河東以及閩粵陝甘等省相距較遠於河防利害實無關涉若概令按照加價徵課於事

理殊覺未協著令該處督撫鹽政體察情形如以爲事尙可行亦不必拘定吳璈等原奏酌加三釐之數或就原額量增一二釐准其暫行售賣倘實有礙難辦理之處亦不妨據實奏聞惟當各行悉心籌議俟奏到時再降諭旨將此諭令知之

道光五年正月諭阿爾邦阿奏請鹽斤加價以濟工需一摺據稱現在高堰漫口一切堵築及撫恤事宜並直隸興修水利較嘉慶十四年工用更鉅請將長蘆鹽價加價二文以濟工需兩淮濱臨河岸藉資保障兩浙山東與江境毗連尤當踴躍急工並請一體加價再長蘆鹽斤加價錢文請按照時價易銀交納如一二年後各工完竣請一半賞給商人完繳積

欠並補錢價之不足其一半解部以歸撥用款項等語上年據蔣攸銛等覆奏秋成後察看引地情形仍請酌增鹽價朕以加價究非善政未肯輒允所請嗣據御史蔡學川奏請停止當卽降旨將蔣攸銛等會議酌增之處著毋庸議茲據阿爾邦阿奏請加價以濟工需著各該督撫鹽政體察現在情形是否不至病民而於工需實有裨益悉心酌議據實具奏俟奏到時再降諭旨將此各諭令知之

按以上兩案爲徵收鹽斤加價之始其長蘆山東兩浙等處加價數目均見各志

道光二十七年敕兩江總督山東浙江巡撫督同運司將現徵科則詳查款數銀數分別應留應減應裁並於外支項下酌

定用錢款目開單奏明辦理

軍機大臣會同戶部等議覆工部給事中張修育奏籌裕庫儲

摺開請釐定鹽引科則年銀貴錢稱引成本科則有正課有雜課
 有隨引徵銷之引外款逾年銀貴錢成本科則有正課有雜課
 正課請責有成該管督撫鹽政各綱將現徵科則宜造具清冊送部
 釐定凡係外支務辦公款以制錢一千五百文作銀一兩期
 於流通用錢外鹽務辦公之銀改錢一文自無窒礙此外綱總
 應領數以各項雜支均不准查等語臣等致悞大局至引凡入
 滯照數運足者甚少急應確查等語臣等致悞大局至引凡入
 奏之正課雜課及應交帑利等項均有一定銀數之惟內外
 銷及商捐商課之用款係隨引輸存運庫不入奏銷之內向外
 報部難保不日久遞加漸無限制即如上年整領告截經費兩
 部以款多額重請旨飭查旋據鹽政沈拱臣於領告截經費兩
 款內減銀十餘萬兩是外費過多成售鹽以錢交課以疏銷
 至近年銀貴錢賤商民交困而鹽務之本加重必至有礙以銀
 其虧折尤為喫重該給事中奏請釐酌量用錢係為外費並
 在外支銷各款本非概用銀兩請令酌量用錢係為外費並
 情補救全局起見除長蘆業經奏辦各現徵科則應詳查款數
 江總督山東浙江巡撫督同運司將各現徵科則應詳查款數
 銀數分別清摺留奏明辦理毋任稍有遺漏奉旨依議
 款目開具清摺留奏明辦理毋任稍有遺漏奉旨依議

光緒二年十一月戶部條奏鹽課宜改積習領引省分如長蘆

山東河東四川等處奏銷年限節節展遲分數未能徵足應

令各省鹽政認真考覈務使課款照額徵收其權辦改票省

分參酌成案稽察商情期歸舊章毋任狃於故習戶部條奏

整頓財用摺言一鹽務宜改積習也查各省鹽務係例定按

年請領部頒鹽引為行鹽納課之本道光中葉各省徵收鹽

課約五百餘萬兩除不足省分留本省兵餉驛站經費外

其餘銀兩悉入季報冊內聽候部撥引開辦之初淮南浙

建等處接踵行課以抽釐為濟餉之後舉當開辦之初淮南

福建一年約收三百餘萬兩至川江釐數約合銀六十餘萬兩

湖北翼東征餉賴以接濟自後日見耗同治十二年分

且儘收儘報一切雜款抽釐息名目概行裁停應支各款盈餘

收數內開除每年支銷為數甚鉅是故循其要重於抽釐疏於

防私可為一時權宜計不可為百年遠之規節展遲引分省

數未能徵足課款難望清完鹽務之壞莫此為甚節經臣部
 於展限減課各省飭令趨早奏銷屆期復額迄未能遵照辦
 理應令各省鹽政認真考察務使課款照額徵收私販母任
 充斥其權辦改票省分參酌成案稽察商情以期漸歸舊章
 母任狃於故習奉旨依議

光緒十年二月戶部條奏各省鹽務歷經言官條奏加抽鹽釐

今又奉旨籌餉應令各省迅速妥籌定議酌定一二成之數

或照額加收或照釐數加收或照官鹽一斤酌加制錢幾文

剋期奏明興辦以濟軍食仍將加收各數報部查覈戶部條

會議籌餉商擬開源節流各事宜單開一整頓鹽務始改行

鹽務例定按年請領部引行鹽納課道光中葉兩淮始改行

票自粵匪竄擾各省創辦抽釐計算但准赴部領引兩浙福
 建節次亦奏行之每票仍按引計算不准行領引兩浙福

並徵福建課釐三項並徵是川鄂兩省分抽釐銀兩浙課釐
 引商無異此外各省抽引商票商官運民運辦法或有不同近
 年商經言官條奏加抽鹽釐戶部均議令鹽務各省實心整

頓九年御史桂霖條奏鹽務戶部分別省分繕具清單請令各省興利除弊本年左中崔國因又學士陳寶琛奏請加川鹽釐三文部議令寶第奏請加收川釐二文據外再加一荃文餘皆抽川鹽釐三文部議令寶第奏請加收川釐二文據外再加一荃文餘皆久未入奏今又奉旨籌餉應再催令各省迅速妥籌定議酌定二三成之數或照課額加收或照釐數加收或照鹽一

斤酌加制錢幾文剋期奏明興辦以濟軍食仍將加收各數分別咨報戶部備考雖其事異宜原難強同其要惟在嚴杜

釐卡侵漁私販偷漏而已若各省能再將咸豐同治年來抽釐辦法一體查核各自擇其抽釐最旺之年由何而得抽釐

不旺之年由何而失更將其日增月益就開除一項實力破除情面認真釐定總期減少一分冗費自可多濟一項實力

需縱一二處實有未能加數再抽之鹽釐豈天下真無一設法整理之礙政如四川鹽務經督臣丁寶楨不避嫌疑一洗

積弊歲入鉅款他省果能認真核實毫無實益切勿觀望入宕延空言搪塞而於籌餉毫無實際

光緒二十年七月奏准通行有鹽務省分每斤加價制錢二文

以佐軍需軍務一平即行停止

戶部議覆翰林院編修張百熙條陳籌餉摺言一原奏擬

請加收川廣鹽釐每斤制錢八文准鹽每斤五文長蘆河東等處四文許照釐加價令各商等先行墊繳一年之款無總

商者官為籌辦等語查鹽務以兩淮為大宗兩廣次之長蘆河東又次之光緒十年間湖廣將川淮鹽價每斤加二文未江將長蘆河東從前或因榮工加價或因海防加引至今未照舊徵收若再將鹽價每斤加制錢四文至八文不等則病價愈昂私販愈多額引愈滯勢不至於病商病民而因以病課不止夫言利固無善策立法必取易行通行使有鹽務各省每斤加制錢二文以佐軍需軍務一平即行停止仍令嚴禁商人藉端擡價及重包夾帶之弊至按斤加價或令各辦先行墊繳抑或陸續帶繳統由該督撫體察情形報部核辦

光緒二十四年十一月諭食鹽一項為民間日用所必需能否

加價若干提充餉需著戶部體察情形通籌具奏戶部奏言光緒二十

四年十一月十二日軍機處交出本日軍機大臣而奉諭旨食鹽一項為民間日用所必需能否每斤加價若干提充餉需著戶部體察情形通籌具奏欽此遵抄交到部無損於民查向來條陳籌款之策多謂鹽斤加價有益於國無損於民會請將每斤加價錢四文以八文者而臣部及各省管理鹽政之督撫則皆不免長慮却顧未敢輕為嘗試故自嘉慶以後每遇大兵大役不得已而議加鹽價以錢論則每省祇自半文以至二文以銀論每斤只自一釐以至三釐以省

分論則各省固不能一律即爲一省亦不能一律今請略舉各省新舊各案鹽斤不加價數目爲我皇太后皇上一律陳之嘉慶十年四年因辦高家堰大工始將長蘆山東鹽斤加價三釐道光五年因辦河南家堰大工始將長蘆山引鹽斤加價三釐道光五年因辦高家堰大工始將長蘆山引鹽斤加價三釐後浙正引票二引餘長蘆各岸引鹽又有海防二釐二釐不其兩道光二引票二引餘長蘆各岸引鹽又有海防二釐二釐不其五年長蘆豫岸引鹽均有江防二文加價光緒三十年鄂湘兩岸川鹽粵鹽淮鹽均復有防二文加價光緒三十年鄂湘兩有協濟豫賑一文加價內惟兩河工加價及長蘆兩浙堰工加價并雲南豫賑加價均已停止而長蘆海防加價則旋停旋復今謂之軍需復價其河防收銀六十餘萬兩是爲舊并各仍其舊現在通計每年尚約收銀六十餘萬兩是爲舊案鹽斤加價之數光緒二十年因朝鮮用兵修張百熙條陳籌餉請加鹽價經臣部議准每斤加價錢二分各省一律徵收俟軍務平定即行停止旋據各省督撫覆奏多以疲銷滯爲言或務平定即行停止旋據各省督撫覆奏多以疲并四不攤捐亦不加價其照加二文者惟兩淮之鄂湘皖等岸銷之北東蘆鹽潞而己嗣後軍務平定仍行徵收現銷之計每年尙約收銀一百五十萬兩是爲新案鹽斤加價在通計每年尙約收銀一百五十萬兩是爲新案鹽斤加價價之數本年陝西巡撫魏光燾奏請將陝西所銷鹽斤加價四文旋據山西巡撫胡聘之奏請停止現在尙未定案者不加價

計焉竊維古人一日食鹽不過三錢每斤即多加價錢數今以斤兩計之一人一日食鹽不過三錢每斤即多加價錢數今以斤歲亦不過多費錢數十文於官鹽小民食無礙然天下有官鹽即有私鹽而私鹽又常賤於官鹽小民食無礙然天下有官鹽即買私若官鹽之售愈貴則私鹽之勢將愈橫是以辦理鹽務往往有減價敵私之論今各省鹽價或已加過一次或已加過二次能不再加臣部實不能遙度擬請飭下管理鹽政各督撫各就現在鹽務情形切實籌畫其已經加價者能否再

加若干未經加價者能否酌加若干
迅速查明覆奏以憑核辦奉旨依議

光緒二十七年八月戶部條奏新定賠款數鉅期迫亟宜合力通籌分派攤還以期無誤大局令各省就現在鹽斤價值每斤再加增四文

光緒三十四年五月奏准藥稅指抵各款以練兵經費內各省額款爲大宗今實行禁煙向時指抵各款亟應另籌抵補惟有酌加鹽價無論何省通行每斤暫加四文以一半解部抵

補練兵經費以一半劃歸產鹽銷鹽省分勻撥濟用

度支部奏言內

閣奉諭外務部奏籌擬禁烟辦法另籌抵補藥稅各款由
著民政部度支部迅即會訂稽核章程其藥稅指抵各款
度支各額行籌補等因欽此現查藥稅項日減向時指抵各
費及各省額款為大宗今實行禁煙稅項日減向時指抵各
款亟應另籌抵補以備應收成效臣等日夜籌思際此財力
現在甫議開辦恐未必驟收成效臣等日夜籌思際此財力
奇窘苦無長策必不得已惟有酌加鹽價尚不可集國民共
者謂東西各邦通例凡為國家必酌加鹽價尚不可集國民共
其擔負頗中肯綮茲擬按照向來加價之數酌中核議無論何
省通行每斤暫加四百兩以輕而易舉各兵實力疏銷每一
年當可得銀四五萬兩以輕而易舉各兵實力疏銷每一
半劃歸全產鹽銷鹽亦可分暫撥濟前之練兵經費及各
款未歸全產鹽銷鹽亦可分暫撥濟前之練兵經費及各
致舊課等項或有餘再撥給該省應用其有委員等辦
提補課等項或有餘再撥給該省應用其有委員等辦
理不善激生事端者即由該省督撫從嚴參辦此酌加鹽
價作為抵補藥稅而設各省務須一律遵行不得彼此參差
致有畸輕畸重之弊如蒙允即由臣部電咨限於本年七
月初一日通行照數加收以濟要需奉旨依議又遼瀋道

內請察將御史履康奏稱每度支部奏准酌加鹽價抵補藥稅摺
 兵在部臣以一半籌抵藥稅起見值此分財政奇窘故不得原酌
 故在部臣以一半籌抵藥稅起見值此分財政奇窘故不得原酌
 加鹽價如山暫因權宜計且係各省一律辦理本無偏重
 之處即如山東實因財政困難撫臣袁樹勛電奏請將東省
 引票各地鹽斤每斤再加二文業經奉旨允准在案惟此係
 出自特旨與他省情形不同第念來日方長若不先事預籌
 萬則私銷必紛乘間而入之勢私銷以愈暢則官銷愈滯非獨
 重則私銷必紛乘間而入之勢私銷以愈暢則官銷愈滯非獨
 官一不足義敵乎私民生之拮据各省莫不止類然前此江
 第一要義况乎私民生之拮据各省莫不止類然前此江
 情形已可概見可否仰懇天恩飭下度支部咨行各直省督
 撫嗣後各省鹽價仍宜按照部章辦理山東增加成案他省
 均不得援以為例以清界限而恤商民奉旨度支部知道

宣統三年正月飭各運司鹽道暨東三省鹽務總局參照一條

鞭辦法將各項課稅釐金加價以及一切雜捐經費等名目

歸併為一統稱鹽稅其向歸場岸分收者仍於出場時先收

地方徵收者有向在銷鹽地方徵收者此次調查應以產銷
省分爲綱統由該省運司鹽道總局彙總列表其應移查銷
鹽分各司道局或督銷官運等局者
卽由該司道局分別移行依限辦理

竈課

康熙十七年題准長蘆各場竈戶地丁錢糧自十八年爲始刊

刻由單分送部科查驗散給各竈戶

長蘆巡鹽御史邁色會同山東巡撫題稱查直

省州縣一由單之設原因小民不知款項明白開載由單一報
部查核一給散民間使百姓照單輸納是由單之法不獨州
縣當行凡所有轄地各場錢糧各竈地並灘地草蕩地進貢白鹽等
項種種不一其間地丁之額數已派繁多乃歷年起運若干存留
若干新增奉裁各若干款項既繁多乃歷年起運若干存留
無由單報部查核又無由單給散竈戶蚩蚩之民豈能知之
查各場大使派徵竈戶率輕重不約有徵至一兩二知三
錢者有徵至一兩八九錢者竈丁之賦較之民戶地丁計浮
數倍有餘窮竈一何堪九當此卽各大使或於額外派徵地丁可概
定但愚民不見由單酌款項將何所憑據而信其無加派
濫徵之弊乎請敕部議將直省各運司所屬各場竈戶加派

丁錢糧照民戶地丁由單之例刊刻由單每歲於十月內刊
刻完備年月上用大使印送該運司覆訂明白於由單橫字
上用運司印一而報部查核一而給散民間庶民竈畫一而
永免濫徵加派之弊矣戶部題覆自康熙十八年為始刊刻
散給報
部查覈

康熙二十七年覆准各場折課等銀令竈總分催各竈自封投
櫃各劣衿蠹役營充竈總包攬收納照包攬州縣錢糧例治
罪

康熙二十八年議准場竈向無全書刊刻易知由單易於稽覈
不必造賦役全書戶部議覆各巡鹽御史題請停刊由單改
造賦役全書疏言查民間原有賦役全書
而場竈向無全書若改造全書恐致累竈丁亦未可定且
場竈蕩畝貼處海濱每年坍漲數目不一今將由單較之全
書則刊刻由單易於稽核仍
照舊例刊刻易知由單可也

乾隆十二年定各省由單解交戶部以備稽查

附徵解

康熙八年准孟戈爾代等題鹽犯贖罪銀兩專歸御史題報不必督撫衙門彙題領解鹽課銀兩亦免督撫衙門掛號

康熙四十九年題准各省解部鹽課關稅該御史監督皆具批送科領解官役於銀物交足之日將所給實收送科查驗

雍正六年議准起解鹽課協餉該鹽政督撫巡鹽御史豫先移會前途督撫飭撥官弁護送交代嚴飭解官由大路挨站而行如有疏虞該管督撫卽將經過之文武官弁照例題參着落分賠儻該督撫御史不移會督撫解官不知會地方仍潛行小路一有疏失各官照疏防例議處其不移會之督撫御史照僉差不慎例議處私行小路之解官照枉道例處分所

失餉銀著落解官名下追賠如不能完卽著落原差委之上
司賠補至解官欲就小道該地方官詳報題參儻地方官聽
其由小路行走者一併題參

乾隆元年管理戶部三庫事務衙門筭行凡直省所解戶部三
庫錢糧緞疋等項按批另具印批印領交解員役持赴本檔
房換掣批廻本檔房卽將印領收存記檔以備查勘

乾隆十四年奏准春秋二撥解部銀兩係官兵俸餉之所必需
豈宜任意稽遲是以會典開載到部如有逾限照例查參嗣
後凡有解部銀兩務令遵照原定限期遴委妥員按期解部
仍將接到部文日期及委員姓名起解日期豫行咨部先行
知會前途文武各豫派官弁夫馬車輛俟餉鞘到時查照掛

號立刻起行按站派官一員帶兵護送交替催趲出境將入境出境日期出具印結轉報督撫加結報部

乾隆五十四年覆准嗣後凡有起解一切官物糧餉等項如無兵牌勘合卽於詳掛批廻之時聲請另給護牌一紙同批一併給發委員領執豫行咨明沿途經過各關各州縣俟解官到境時一體驗明就於所給護牌之上填明到境出境日期各蓋用印信仍給委員收執回日繳銷本省巡撫衙門以備查考

道光九年步軍統領衙門奏奉諭旨嗣後凡餉鞘到京其進城及入店出店日期著各該委員結報該營稟報步軍統領衙門每屆一月彙總具奏一次

道光十六年都察院劄行嗣後凡解戶部銀兩出具文批徑赴江南道衙門投遞仍俟戶部兌收後該解員卽持戶部收批赴江南道察驗鈐印給照

又諭給事中那瑪善等奏各省批解部庫銀兩請先咨都察院一摺各省銀鞘於未至之先難保無截留勾串私出劄付批廻等弊著各省督撫等嗣後批解部庫銀兩卽將款項數目及領解職名起程日期程限具文飛咨都察院堂官劄知稽察銀庫科道設檔登記彈收後註銷並著於年終彙造批解總冊咨交都察院查核至在京各衙門零款及各省搭解畸零款項著一律遵照辦理以杜弊混而重庫務

道光十七年都察院劄發解部銀物廻照式樣行令嗣後務飭

該解官吏赴都察院投遞親賈咨文守領都察院堂印廻照
回省銷差如無堂印廻照卽係遺漏查出定將該解官吏照
例懲辦

光緒三年戶部筭行嗣後凡遇餉銀等項文批該督撫等轉飭
委員差役人等徑赴戶部司務廳當堂投遞該廳卽日簽到
發交承辦司付庫兌收

附奏銷

順治三年都察院議准凡運司提舉司等官一年合辦鹽課於
歲終將已未銷鹽引若干已未完鹽課若干造冊呈送鹽政
具題以冊送戶科註銷俟鹽差任滿具題聽都察院考察外
仍造具總冊送科稽覈

雍正二年覆准令各省管鹽督撫巡鹽御史將商人每年應完錢糧務於奏銷限內照數完納如有拖欠卽將該商革退引窩別募殷實商人承頂所欠錢糧著落該商家產追賠其原出結各官交該部嚴加議處如有通同徇隱以欠作完等弊於發覺之日將該管各官一併從重治罪

雍正十二年題定各省奏銷見年錢糧之時卽將歷年未完項下續完若干仍未完並支存各數令各該省分別年限彙造清冊隨本年奏銷一併具題毋庸再行造入見年新收及帶徵項下再指駁款項仍照例扣限四箇月概用咨文登答逾限者參處若又經部咨駁者仍扣四箇月限查辦統俟一案全數登明戶部彙總題結

乾隆三十一年諭銀庫開寫絲毫忽微等數俱著以釐為斷下

部議定五毫以上作為一釐歸併造報不及五毫者刪除各

省鹽課關稅一切雜項錢糧等項一體遵照

乾隆三十三年議准鹽政衙門有關係錢糧事件俱令與督撫

會銜題奏

吏部給事中劉秉恬奏言兩淮提引營私一案現今查出將歷任鹽政治罪其兼管鹽政而鹽政之事如從

部嚴加議處查不見江總督列銜推原其故並非例不准其列

前提引等案從不見江總督列銜推原其故並非例不准其列

循相蓋以鹽政便於自問均與政體未協應請嗣後除尋常事

件仍聽令與總督會銜外其有關錢糧如提引等案應行題

奏者俱令與總督會銜庶兼管者不得視為分外之事凡遇

一切利弊自必倍加留心於考核稽查門道更為周密部議

查兩江總督自總理鹽務以來鹽政衙門具題事件俱係會議

衙辦無論其奏案俱令與總督會銜給事中請嗣後有關錢糧

事件無題奏俱令與總督會銜給事中請嗣後有關錢糧

之意應一如所奏辦理至河東長蘆等處鹽

政亦應一體會同該省督撫會銜題奏

乾隆四十六年奏准各省鹽務應完雜項應繳殘引如有歷欠
墮積並未勒限完解者每屆五年由部彙查一次開單具奏
以示清釐

乾隆五十三年奏准各省耗羨已未完解數目隨同正項錢糧

統計分數合疏具題以定考成

糧每多積欠欽奉諭旨戶部核議各省耗羨雖與正項錢糧不同然

斷無正項錢糧全完而獨欠耗羨之理總因不隨正項錢糧

一以取擣自便藩司是問欽此臣部現在將隨同耗羨積欠以

吏侵那惟該藩司是問欽此臣部現在將隨同耗羨積欠以

次清釐惟是耗不隨正弊所蝕原不止於正處分是完而獨欠耗

正耗相符考成亦應核同比對而向來正耗等銷心仍係分案
具題或先或後稽核稍即難保無歧異臣等悉心酌議除
各省耗羨動存數目仍照舊例令各督撫造冊送部計分數
底彙奏外其已未完解數目應請隨同正項錢糧統計分數

分晰聲紋一疏具題以定考成如正耗完全解歸於正項年耗
欠數相符合計分數議處其參後仍未耗完解歸於正項年耗
案內報參儻正耗完欠報解不符即嚴參查辦如此兩相
比較庶款目不致混淆經徵州縣功過釐然易於懲勸矣

光緒六年奏准錢糧奏銷各依定限令各該督撫一面具題一

面先將未完一分以上各員開具簡明清單專摺奏報由部

覈定處分先行覆奏其有奏後續完者准其奏請歸本案開

復

光緒十二年奏准凡報部錢糧冊內務將督徵經徵各官職名

開列如有徵存未解立即照例嚴參毋稍徇庇儻不行奏參

即將該管上司參處

附交代

康熙四年題准經管鹽課官報明巡鹽御史查核完欠方許離

任

康熙十二年題准前官已完銷引責成後官限定一年內繳部

康熙五十年議准各省鹽運司庫存鹽課責任與藩司相同嗣

後運使交代亦照藩司交代之例將舊官任內收放錢糧新

官交盤出結造具四柱清冊呈詳巡鹽御史具題分送部科

稽查如查出徇隱情弊一併議處追賠御史董宏彪疏言運使交代向不題報上

下得以徇隱請嗣後運使交代亦令照藩司交代之例將舊官任內收放錢糧新官交盤出結造具四柱清冊呈詳巡鹽

御史具題分送部科稽察如有徇隱情弊察出一體議處追賠至運同運判有催徵錢糧之責亦應照州縣交代令御史

取具冊結呈報部科庶虧空易於覺察戶部覆准應如所題嗣後運使交代亦照藩司交代之例造具冊結呈詳巡鹽御

史具題到日核議如有遲延徇隱等弊該御史照例題參未與該部照依藩司交代有議處至雲南貴州四川甘肅等處未

設立運使其管鹽課錢糧官員交代之時亦應照此例造冊呈送巡撫具題分送部科查核其運同運判提舉等官均有

催徵錢糧之責交代之時亦應照州縣官交代例令該巡撫御史取具冊結呈報部科查核

雍正五年諭凡新舊官員交代遲延大約由於舊官案件不清

者多而由於新官勒索者少若新舊一例處分未為允協著

九卿分別定議具奏

之九卿會議得吏部彙題內將交代遲延

一年張璨與陳時夏內議將交代遲延其過全在於張璨陳時夏將各罰俸一

件罰俸之處寬免凡屬新舊官員交代者少若新舊大約由於舊官案

未允協錢糧盜案分別定議具奏查明呈報上司或內有經官

違例遲延及舊官於新官推諉不接者俱各罰俸一年等語但

籍造送或有因例限將屆希圖掩飾將虧空那移等項朦混造

送新官查出舛錯往返駁查以致遲延若將新舊官一例處

錢由詳細確查如果係舊任官希圖掩飾不遲延之月內將任內

任官與新任無涉該督撫即將舊任一年何遲延情由明白
開註指參將舊任屆始將冊造送新官又不難上辭責核
以官遲延則將延之咎固在舊任官而新官亦難辭查該
督撫將此情由亦行分別註明指參將錢糧等項澈底清白
年新任官罰俸六箇月如舊任官已將錢糧等項澈底清白
造冊交送而新任官推諉不接以致延該督撫一年舊任官何
遲延情由註明指參將新任官照例議以罰俸一年張璨陳時
免議其督催不力之在上司仍照定例議處至本年張璨陳時
夏交代遲延其故全在張璨應將張璨照例於見任內罰俸
代一年受過而交代案件亦得意遲延清官亦免

乾隆七年議准鹽場大使照州縣例勒限兩箇月交盤逾限分

別參處如有侵那虧空卽嚴參究追

州縣例勒限兩箇月交盤將經徵經解銀兩備造四柱清冊
由該管分司核具印結申詳鹽運司加結呈詳鹽政咨報部
科仍照核逾限未清報如新舊兩任內係何任遲延分別參
處仍照限交清結報如有交盤難結情由照例聲明咨部參
展限若有侵那虧空情弊即行嚴參追究如此例限嚴明庶
場員各知警惕於鹽課錢糧愈加慎重戶部議查康熙五十

年據州縣察之御史董宏彪疏請運司交代照藩司之例運同案
判照州縣之例取具冊結呈報部科經臣部議准通行在案
其鹽場各員徵解錢糧止有奏銷分數考成而於新舊交是
並無報部定限亦無冊報部科皆緣從前定例未經議及是
以場員向無交代盤之例若不立定章程勒限催辦則新舊各
員恃無交代無處分皆得任意延緩或致虧空那移均未可定
應如所請將鹽場大使照州縣例追限兩箇月交盤逾限分
別參處如有侵那虧空即嚴州參究再查兩准場員交盤既
一經定有例限則凡經一體遵行以昭畫一事同

乾隆三十七年議准舊例藩司交代定限兩箇月嗣後舊任遇

有遷調勒限一箇月交代至接任布政使逐款釐查仍照舊

例扣限鹽運司新舊各官俱照藩司之例辦理
江甯布政使 閔鶚元奏言

定例州縣交代錢糧倉穀正限兩箇月其有銀米數多者分
別展限藩司交代代亦定限兩箇月其撫藩不同城者亦展限
一月此歷久奉行成例也茲於乾隆三十六年吏部議覆
甘肅藩司尹嘉銓條奏兩司赴任給憑案內議請將藩臬赴
任程途日期照正行限減半其一切交代定限兩箇月者亦改
為一箇月日期准通行遵照臣歷屆交代遵照兩箇月限期趕緊

查辦並無寬餘若如部議改爲一月者恐限期太促或致鹵莽
粗疏設有錯訛所關匪細再查去任者因赴任之加銀兩起身
按交代之請嗣後兩不遷調勒限半月清交庫存銀兩起身
之外其鹽運司仍聽新任實力稽查似亦應仍照舊限以昭慎重
各省鹽運司庫亦屬錢糧數多似應仍照舊限以昭慎重
部議查舊例藩司交代內經臣部議改爲一箇月六年甘肅交
任之員嚴造其冊限期俾得速赴新任至接代之員凡一切支收
例應分款造冊限期俾得速赴新任至接代之員凡一切支收
昭慎重嗣後交代至接任政使逐款釐查時日稍寬綜核愈
限一箇月交代至接任政使逐款釐查時日稍寬綜核愈
細應如該布政使所奏仍循照舊例扣限再該布政使所奏稱
鹽運司庫亦屬錢糧數多應照舊例扣限再該布政使所奏稱
鹽運司新舊各官俱照藩司之例辦理庶赴任移交者不致
稽遲行期接任承查者得以實力稽核而錢糧益昭慎重矣

乾隆四十八年二月部筭定例初任人員由本部將督撫送到

交代冊結移送吏部查核嗣後如遇鹽屬各員交代是否初

任於文內分晰聲明報部

乾隆五十年議准嗣後凡州縣交代文結送部時將監盤職名

報部存案行文鹽政一體遵照

福建道監察御史潘曾起條奏嗣後凡州縣交代文結送

部時將監盤職名一體報部存案部議應如該御史所奏嗣後州縣交代清楚文結送部時如藩司不將監盤職名一併

申送即照徇庇例議處

附盤查

鹽運司鹽法道庫專存正雜鹽課凡場大使徵解商人按引輸

納悉入焉庫設大使一人鹽運司鹽法道專稽出納造册申

送鹽政管鹽督撫咨部考核

乾隆四年覆准長蘆河東兩淮兩廣各道庫鹽課遇奏銷交代

照閩浙之例令管理鹽政大員盤查

理藩院左侍郎羅勒爾森奏言州縣地丁錢

糧催徵解貯司庫聽候盤查部稽察是以遇有虧空欺侵不能彌縫掩飾立法洵屬盡善鹽道職司鹽課猶各省藩司

督之統轄地丁也定例藩庫錢糧每當奏銷及代之省時必經
錢糧冊報無上即該管鹽臣亦以例將不盤收數摺報或止
時造冊報明即該管鹽臣亦以例將不盤收數摺報或止
兩省經撫臣題請歸併兩省既歸撫臣愚盤查庫項均係國帑
所關豈容疏忽况閩浙兩省既歸撫臣愚盤查庫項均係國帑
東兩廣等處雖管轄或有督臣鹽臣憑不特款項繁多難免
應綜覈若不照例查察惟據檔案之規例應將兩淮長蘆
影射之弊抑且庫程互異殊非畫一之規例應將兩淮長蘆
河東兩廣各道庫鹽課錢糧照閩浙盤查之例應將兩淮長蘆
政大吏親查各省藩庫地丁錢糧檔案報銷庶盤查下其防維
絕部議查各為盤查庫地丁錢糧檔案報銷庶盤查下其防維
鹽課一糧任內將該鹽政及該管督撫造具四柱清冊按年奏
銷又於錢糧任內將該鹽政及該管督撫造具四柱清冊按年奏
道庫之例該管鹽督項繁多誠恐無那移影射糧情弊應如所
奏通行各該管鹽督項繁多誠恐無那移影射糧情弊應如所
查之例將正雜道收支數目分年分款開列四柱彙造月報每
年奏銷及遇鹽道交代之時親臨察盤虧則題參足則出結每
題報如有隱匿扶同等
弊一經發覺照例參處

乾隆四十三年奏准鹽道庫錢糧奏銷交代責成同城督撫及

鹽政盤查出結題報督撫鹽政新任受事亦一例盤查兩廣總督所轄廣西鹽道錢糧屆盤查之期就近交廣西巡撫盤查揭報

又議准山西巡撫兼管鹽政凡運司交代接管到任及奏銷之時委道員代盤每年不拘何時該撫親赴運署盤驗一二次其餘再委道員盤查不得每年全委道員以免滋弊

嘉慶十一年諭督撫到任及每年錢糧奏銷後例須盤查藩庫一次自當將各項款目及收支實數詳悉鈎稽方爲有益近來督撫等視爲具文不過到庫略爲抽驗虛應故事日久釀成弊端卽如本年直隸湖北俱有藩庫虧侵重案不可不詳定章程以資釐剔嗣後督撫於到任及奏銷時盤查司庫均

當實力清查並著於每年封印後親赴藩庫將本年收支款項逐一詳查取結送部如將來款目不清將加結之督撫一併懲治其有運庫河庫地方亦照此辦理

宣統二年議定嗣後督撫到任盤查司道各庫應由督撫分別奏咨其運司鹽道交代奏銷及年終盤查均由督撫加結咨送督辦鹽政處核明送部應奏報者卽遵照新章會同具奏以重庫款

清鹽法志卷二終

清鹽法志卷四

通例四

緝私門

律例

自漢時鹽法有官與牢盆之說歷代皆以鹽爲國家專營之事業故舊制簽民爲竈籍之於官而令按丁納鹽其煎鹽之盤鍬儲鹽之倉廩皆官爲之備卽商人中鹽亦必請領官引內府製之戶部發之所以明乎其爲官鹽也夫以國家專營之事業而私人違禁以爲之此其干犯法網固非尋常商貨漏私逃稅者比矣是以向來法令皆於私鹽之禁爲獨嚴清時雖官煎之法已廢改票以後部引亦或行或不行而竈戶之前煎鹽商人之運鹽必皆經官特許則

猶有國家專營之遺意焉故私鹽厲禁著諸令甲有由來也志律例

戶律課程

按光緒三十四年正月修訂法律大臣沈家本等請編定現行刑律摺內奏准將吏戶禮兵刑工諸目一律刪除宣統二年四月編定奉旨頒行

鹽法

凡犯

無引

私鹽

凡有確貨即是

者杖一百徒三年若有軍器者加

一等

流二千

誣指平人者加三等

流三

拒捕者斬監候鹽貨車

船頭匹並入官

道塗引領

牙人及窩藏

鹽犯

寄頓鹽貨者杖九十

徒二年半

受雇

挑擔馱載者

與例所謂肩挑背負者不同

杖八十徒二年非

應捕人告獲者就將所獲私鹽給付告人充賞

同販

有一人能

自首者免罪一體給賞若一人自犯而自首止若私事發止

理見獲人鹽獲如獲鹽不獲人者不追當該官司不許聽展轉

攀指違者官以故入人罪論謂如人鹽同獲止理見發有確

究

按拒捕者宣統二年改作絞又杖一百杖九十杖八十均刪

凡鹽場竈丁人等除辦正額鹽外夾帶餘鹽出場及私煎鹽貨

賣者同私鹽法該總催知情故縱及通同貨賣者與犯人同

罪

凡婦人有犯私鹽若夫在家或子知情罪坐夫男其雖有夫而

遠出或有子幼弱罪坐本婦決杖一百餘罪收贖

按宣統二年刪律註決杖一百餘罪收贖八字

凡買食私鹽者杖一百因而貨賣者杖一百徒三年

按凡買食私鹽者杖一百宣統二年奏改作處十等罰又徒三年上杖一百三字刪

凡守禦官司及鹽運巡檢司巡獲私鹽即發有司歸勘原各衙

門不許擅問若有司官吏通同原獲各衙脫放者與犯人同罪

受財者計贓以枉法從其罪重論

按守禦官司及鹽運巡檢司乾隆五年改作管理鹽務及有巡緝私鹽之責文武各衙門

凡守禦官司及有司巡檢司設法差人於該管地面並附場緊

關去處常川巡禁私鹽若有透漏者關津把截官及所委巡

鹽人員初犯笞四十再犯笞五十三犯杖六十公罪附過還職

若知情故縱及容令軍兵隨同販賣者與犯人同罪私罪受財

者計贓以枉法從重論其巡獲私鹽入己不解官者杖一百

徒三年若裝誣平人者加三等杖一百流

按附過還職雍正三年改作並留職役又守禦官司及有司巡檢司乾隆五年改作管理鹽務及有巡緝私鹽之責文武各衙門又初犯笞四十再犯笞五十三犯杖六十宣統二年改作初犯處四等罰再犯三犯遞加一等又軍兵改作兵役其律文律註杖一百三字均刪

凡軍人有犯私鹽本管千百戶有失鈴束者百戶初犯笞五十再犯笞五十三犯杖六十減半給俸並附過還職若知情容縱及通同販賣者與犯人同罪

按雍正三年奏准令武職失察私鹽與文職一例處分亦無千百戶官名及減半給俸之事此律刪

凡起運官鹽每引照額定斤數為一袋並帶額定耗鹽經過批

驗所依引目數掣摯秤盤隨手取袋但有夾帶餘鹽者同私鹽

法若客鹽越過批驗所不經掣摯及引上關防者杖九十押

回一逐盤驗

盡盤鹽而驗之有餘鹽以夾帶論罪

按杖九十宣統二年改作處九等罰

凡客商販賣

有官鹽發當照引

不許鹽

與

引相離違者同私鹽法

其賣鹽了畢十日之內不繳退引者笞四十若將舊引

不繳影

射鹽貨者同私鹽法

按杖四十宣統二年改作處四等罰

凡起運官鹽並竈戶運鹽上倉將帶軍器及不用官船起運者

同私鹽法

凡客商將

驗過有引

官鹽插和沙土貨賣者杖八十

按杖八十宣統二年改作處八等罰

凡將有引官鹽不於拘

定應

該行鹽地面發賣轉於別境犯界貨

賣者杖一百知而買食者杖六十不知者不坐其鹽入官

按杖一百杖六十宣統二年
改作處十等罰處六等罰

條例附

一各邊召商上納糧草若內外勢要官豪人家開立詭名占窩
轉賣取利者俱問發邊衛充軍干礙勢豪參究治罪

按此條係原例雍正三年奏准
今無召商納糧草事例文刪

一凡豪強鹽徒聚衆至十人以上撐駕大船張掛旗號擅用兵
仗響器拒敵官兵若殺人及傷二人以上者比照強盜已行
得財律皆斬爲首者仍梟首示衆其雖拒敵不曾殺傷人爲
首者依律處斬爲從者俱發邊衛充軍若止十人以下原無
兵仗遇有追捕拒敵因而傷至二人以上者爲首者依律處

斬下手之人比照聚衆中途打奪罪人因而傷人律絞其不
 曾下手者仍以爲從論若貧難軍民將私鹽肩挑背負易米
 度日者不必禁捕

按此條係原例乾隆五年改爲殺傷三人以上者比照強盜已行得財律皆斬爲首者仍梟首示衆傷二人者爲首斬決爲從絞監候傷一人者爲首絞監候爲從流三千里充軍其雖拒敵不曾殺傷者爲首絞監候爲從流三千里充軍十二年將大夥人爲從之犯改發內得贓包庇之兵役俱另定一條大夥人爲從之犯改發內得贓包庇之兵役俱擬絞監候私售之竈丁及窩二頓之匪犯俱發爲伊犁烏魯木齊等處爲奴嘉慶六年將前二條併改爲凡豪強鹽徒聚衆至十人以上及傷三人以上者比照強盜已行得財律拒敵官兵若殺一人以上及傷三人以上者比照強盜已行得財律皆斬爲首者仍梟首示衆傷二人者爲首斬決爲從絞監候傷一人者爲首斬監候爲從發黑龍江等處給予披甲人爲奴凡得贓包庇之兵役俱斬爲奴凡得贓包庇之兵役俱窩頓之匪犯俱發伊犁烏魯木齊等處爲奴凡得贓包庇之兵役俱會殺傷爲首絞監候爲從流三千里充軍若貧難軍民將私鹽肩挑背負易米度日者不必禁捕

犯將例內拒捕傷一人為從改為實發雲貴兩廣極邊煙
瘴充軍道光六年調劑新疆遣犯將例內發伊犁烏魯木
齊等處為奴之犯改發雲貴兩廣極邊煙瘴充軍二十四
年仍改歸伊犁等處宣統元年奏明以本條指水路而言
兵民聚眾十人以上為一條指陸路而言其實水陸鹽徒並
無區別自應合併為一又以竈丁私賣窩藏窩庇之犯律
內本有罪名將本例發遣為奴節去其得贓包庇之兵役
添入下文嚴究來歷條內又貧難軍民數語乾隆年間已
定專例應節刪故二年頒
行現行刑律將例文刪除

一凡越境

如淮鹽越過浙
鹽地方之類

興販官司引鹽至三千斤以上者問

發附近衛所充軍原係腹裏衛所者發邊衛充軍其客商收

買餘鹽買求掣摯至三千斤以上者亦照前例發遣經過官

司縱放及地方甲鄰里老知而不舉各治以罪巡捕官員乘

機興販至三千斤以上亦照前例問發

須至三千斤不及三
千斤在本行鹽地方

雖越府省
仍依本律

按此條係原例雍正三年奏准軍民犯軍罪者一體發遣原係腹裏衛所二旬刪嘉慶六年改定例文附近衛所作
附近地方又經過官司云改作擊驗官吏受財及經過
官司縱放並地方甲鄰里老知而不舉各治以罪並增註
擊驗官吏受財依枉法經過官司里老地方火甲依知罪
人不捕鄰右依違制宣統二年修改例文將問發附近地
方充軍改為流二千里又
發遣作問發問發作問擬

一凡兩淮等處運司中鹽商人必須納過銀兩紙價方給引目
守支若先年不曾上納故捏守支年久等項虛詞奏擾者依
律問罪仍照各處鹽場無籍之徒把持詐害事例發遣

按此條係原例雍正三年奏准商人俱
納課給引無守支年久之事例文刪

一凡偽造鹽引印信賄囑運司吏書人等將已故並遠年商人
名籍中鹽來歷填寫在引轉賣誑騙財物為首者依律處斬
外其為從並經紀牙行店戶運司吏書一應知情人等但計

賊滿數應流者不拘曾否支鹽出場俱發近邊充軍

按此條係原例計賊滿數下應流二字雍正三年增宣統二年以此例重在填寫中鹽來歷今無中鹽之制例文刪

一各鹽運司總催名下該管鹽課納完者方許照名填給通關

若不曾納課總催買囑官吏並覆盤委官假指課已倉指上囤扶

同作弊者俱問發近邊充軍

按此條係原例宣統二年以今鹽商完課辦法與此不同例文刪

一各處鹽場無籍之徒號稱長布衫趕船虎光棍好漢等項名色把持官府詐害客商犯該徒罪以上及再犯杖罪以下者俱發近邊充軍

按此條係原例咸豐二年因光棍例應斬決刪此二字宣統二年以今無長布衫趕船虎等名色例文刪

一凡兵民聚眾十人以上帶有軍器與販私鹽者不問曾否拒

捕傷人照強盜已行得財律皆斬立決若十人以下拒捕殺人不論有無軍器為首者斬下手者絞俱監候不曾下手者發邊衛充軍其不帶軍器不曾拒捕不分十人上下仍照私鹽律杖一百徒三年若十人以下雖有軍器不曾拒捕者亦照私鹽帶有軍器加一等律杖一百流二千里其失察文武各官該督撫題參俱交該部照例議處有拏獲大夥私販者亦著該督撫題明交與各該部照例議敘

按此條係雍正五年定例乾隆五年改為凡兵民聚衆十人以上帶有軍器與販私鹽拒捕殺人及傷三人以上為首並殺人之犯斬決傷人之犯斬監候未曾下手殺傷一人者發邊衛充軍傷二人者為首斬下手者絞俱監候傷一人者為首絞監候下手者發邊衛充軍為從滿流其雖帶有軍器不曾拒捕者為首發邊衛充軍為從流二千里若十人以下拒捕殺人不論有無軍器為首者斬下手者絞俱監候不曾下手者發邊衛充軍傷至二人以上者為首絞

者斬監候一下手之人絞監候不止傷一下者仍照本律監候下
 手之犯杖一百流三千里其不傷一下者仍照本律監候下
 其徒不帶軍器若十人拒捕不分十人上拒仍照私鹽亦杖一
 百徒三年若十人拒捕雖有軍器不曾拒捕為首亦杖一
 鹽年其有軍器加一等杖一百處有千獲大夥私販者交
 三議敍者改發黑龍江例內拒捕傷一人下嘉慶六年改邊
 部充軍者二十四年將內與披甲人為奴慶六年改邊
 衛充軍者改發黑龍江例內與披甲人為奴慶六年改邊
 不例文將十人首犯又十捕傷以下案內未下手之犯帶軍器
 之犯應發一邊衛充軍者均改發近邊充軍又十人以上
 一節於傷一人者為軍從下增俱字又滿流下增若拒捕不
 會傷人者為首發下黑龍江等處給與披甲人為奴為從滿
 流等字又十人以上發下黑龍江等處給與披甲人為奴為從滿
 仍照本律治罪不改為俱仍照私鹽杖一百徒三年又於
 其下增若拒捕不改為俱仍照私鹽杖一百徒三年又於
 照私鹽本律擬徒一等字又雖帶軍器不曾捕為首亦照
 私鹽帶有軍器加一等律改為帶軍器不曾捕為首亦照
 首照私鹽擬徒本罪加一等律餘同十九年議准例內應
 發黑龍江之犯改發雲貴兩廣極邊煙九軍宣統二年
 修改例文與豪強鹽徒條併為一並殺為凡聚眾十人立
 上興販私鹽帶有軍器殺人者為首並殺為凡聚眾十人立

決未下手之犯發極邊足四千里安置傷人者為首依律擬絞監候下手之犯發煙瘴地方安置未下手之犯流三千里雖帶軍器不曾拒捕者為首發極邊足四千里安置為從流二千里

一凡竈丁販賣私鹽大使失察者革職知情者枷號一箇月發落不准折贖該管上司俱交該部議處

按此條係雍正五年定例宣統二年刪

一凡回空糧船如有夾帶私鹽闖關不服盤查聚至十人以上持械拒捕殺人及傷三人以上者為首並殺傷人之入擬斬立決未曾下手殺傷人者發邊衛永遠充軍其雖拒捕不曾傷人及十人以下拒捕傷人致死者為首擬斬監候為從者發邊衛充軍頭船旗丁頭舵人等雖無夾帶私鹽但闖關闖關者枷號兩箇月發邊衛充軍隨同之旗丁頭舵照為

從例枷號一箇月杖一百徒三年不知情不坐賣私之人及
竈丁將鹽私賣與糧船者俱各杖一百流二千里窩藏寄頓
者杖一百徒三年其雖不闖關闖關但夾帶私鹽亦照販私
加一等流二千里兵役受賄縱放者計贓以枉法從重論未
受賄者杖一百革退販私地方之專管官降三級調用兼轄
官降一級罰俸一年押運官照徇庇例議處隨幫革退其倚
恃糧船闖關闖關者押運等官照溺職例革職隨幫責三十
板革退不服盤查持械傷人者押運等官革職隨幫責四十
板革退儻關開各官勒索留難運官呈明督撫參處

按此條係雍正五年定例乾隆五年改定例文殺人及傷
三人以上者爲首並殺人之犯擬斬立決傷人之犯斬監
候未曾下手傷人者發邊衛充軍其雖拒捕不曾殺傷人
爲首絞監候爲從流三千里十人以下拒捕殺傷人者俱

照兵民聚衆十人以下例分別治罪又販私地方之專管
官云云改爲販私地方之專管官兼轄官及押運官並交
部議處又倚恃糧船上增雖無夾帶私鹽六字嘉慶六年
又修改例文定爲聚至十人以上持械拒捕殺傷人及拒
捕不曾殺傷人並聚衆十人以上拒捕殺傷人及不曾殺
傷人者俱照兵民聚衆十人以上下例分別治罪餘與前同

光緒三十一年刪

一凡販賣私鹽案內擬徒之犯已經發往配所逃走者緝獲到

案除去役過月日面上刺逃徒二字原犯徒一年者枷號一

箇月杖八十徒二年徒一年半者枷號三十五日杖一百徒

三年徒二年者枷號四十日杖一百流二千里徒二年半者

枷號四十五日杖一百流二千五百里徒三年者枷號五十

日杖一百流三千里其發往流所又逃走者面上刺逃流二

字枷號兩箇月照依地里遠近改發充軍

按以下五條係雍正六年定例乾隆五年刪

一凡販賣私鹽至三千斤以上者照越境販鹽律發邊衛充軍

一鹽徒聚衆除十人以上拒捕若殺人及傷二人者仍照例不分首從皆斬爲首者梟示外其餘十人以上曾否拒捕有無殺傷之案亦照強盜例嚴行審究將法所難宥情有可原者

一一於疏內開明仍照例定擬斬決具題大學士會同三法司分別詳議將應正法者正法應發遣者發遣

一拏獲私鹽各官將所獲鹽斤盡入己橐或與各役分肥並以多報少者卽將該管官弁指名題參革職計贓以枉法律治罪其未曾侵匿不行詳究者照例處分上司各官知情故縱及不知情而未經揭參者照例分別議處

一州縣場司設立十家保甲互相稽察凡首報私梟者官為立案儻日後有挾讎糾黨誣攀報怨之事加倍治罪

一凡拏獲私販務須逐加究訊買自何地賣自何人嚴緝窩頓之家將該犯及窩頓之人一併照興販私鹽例治罪若私鹽買自場竈即將該管場司並沿途失察各官題參議處其不行首報之竈丁均照販私例治罪

按此條係雍正六年定例乾隆三十一年改為拏獲私鹽犯承審官務須先將買自何人何地以及買鹽月日數目究明提集犯證並密提與本犯煎鹽火伏一簿查實將賣鹽及窩頓之人均與本犯按照律例一體治罪若查無證據即屬虛誣將本犯依律加三等治罪承審官不能審出誣攀者交部分別議處若審出買自場竈即將該管鹽場大使並沿途失察各員題參議處其不行首報之竈丁均照販私例治罪宣統二年修併例文改為拏獲販私鹽犯務須先將買自何人何地以及買鹽月日數目提集犯證並密提竈戶煎鹽火伏簿查審確實如係大

夥興販將本犯並賣鹽及窩頓之人照律治罪本犯不據實供出於應得本罪上加一等如審係誣攀依律加三等若向老幼孤獨零星收買實不能供出姓名者仍以本罪科斷承審官曲爲開脫照故出人罪律從重參處不能審出誣攀者交部議處若審出買自場竈卽將該管鹽場大使並沿途失察各官奏參議處其得贓包庇之兵役從重治罪

一拏獲私販本犯脫逃者卽將脚夫水手拘拏到案詳究本犯蹤迹勒緝務獲於私販罪上加倍治罪並究出售與之人亦照私販例治罪其脚夫水手分別治罪若大夥興販聚衆拒捕及執持器械殺傷巡役人等脫逃之梟徒照強盜例勒緝務獲照例定擬儻有不行擒拏故爲疏縱情弊將地方文武各官俱指名題參從重議處各役加倍治罪各上司容隱不參將專轄之上司照例議處

按此條係雍正六年定例乾隆五年刪改例文定為凡大夥與販聚眾拒捕及執持器械殺傷巡役人等之梟徒照強盜例勒緝不參交部議處光緒年刪

一拏獲私鹽限四箇月完結其案內私鹽交與本處鹽商較時

價減十分之一二立即變價所獲贏馬牛驢如延挨不變以

致倒斃著落該州縣官照中等價值賠補車船等物亦照依

時價據實變價報部查核儻有侵漁捏報情弊並逾限不行

完結及不即變價報解者將該州縣分別議處治罪

按此條係雍正七年定例乾隆三十七年將較時價減十分之一二句改為照官鹽價值嘉慶十七年將較時例文定

為拏獲私鹽限四箇月完結如人鹽並獲者將所獲鹽犯車船頭匹等項全行賞給如係獲鹽而不獲人確查鹽犯

實係脫逃者以一半給賞一半充公儻有故縱情事無論巡役兵丁受賄者計贓以枉法從重論未受賄者杖一百

革退所獲鹽貨等項一概充公不准賞給私鹽交與本處鹽商照官鹽價值立即變價贏馬牛驢云云與雍正例

同宣統二年修改例文於人鹽並獲上刪如字獲鹽而不
獲人上刪係字又給賞作賞給杖一百作處十等罰其例
文至一概充
公爲止下刪

一鹽船在大江失風失水者查明准其裝鹽復運儻有假捏情
弊以販私律治罪

按此條係雍正十年定例

一除行鹽地方大夥私販嚴加緝究外其貧難小民年六十歲
以上十五歲以下及年雖少壯身有殘疾並婦女年老孤獨
無依者於本州縣報明驗實註冊每日赴場買鹽四十斤挑
賣止許陸路不許船裝並越境至別處地方及一日數次出
入如有違犯分別治罪

按此條係乾隆元年定例宣統二年於貧難小民刪年六十歲以上十五歲以下及年雖少壯身有殘疾等字並於

婦女刪年
老二字

一巡鹽兵捕自行夾帶私販及通同他人運販者照私鹽加一等治罪

按此條係乾隆五年定例

一凡收買肩販官鹽越境貨賣審明實非私梟者除無拒捕情形仍照律例問擬外其拒捕者照罪人拒捕律加罪二等如興販本罪應問充軍者仍從重論如拒捕毆人至折傷以上者絞殺人者斬俱監候為從各減一等

按此條係乾隆七年定例宣統二年修改例文於加罪二等下刪如興販本罪應問充軍仍從重論等字並改為儻拒捕毆人至折傷以上者絞監候殺人者亦絞監候為從各減一等又增註下手幫毆之人以為從論十字

一鹽商雇募巡役如遇私梟大販即飛報營汛協同擒拏其雇

募巡役不許私帶鳥槍違者照私藏軍器律治罪失察之地
方官交部照例議處

按此條係乾隆八年定例
宣統二年改鳥槍爲槍枝

一凡運鹽船戶偷竊商鹽整包售賣者照船戶行竊商民例分
別首從計贓科罪各加枷號兩箇月仍盡本法刺字所賣之
贓照追給主如追不足數將船變抵其押運商廝起意通同
盜賣者依奴僕勾引外人同盜家長財物計贓遞加竊盜一
等例治罪如非起意止通同偷賣分贓者依奴僕盜家長財
物照竊盜例計贓科斷若商廝稽察不到被船戶乘機盜賣
者照不應重律杖八十如押運之人或係該商親族仍分別
有服無服照親屬相盜律例科斷

按此條係乾隆十六年定例宣統二年修改例文於整包
 售賣者下刪照船戶行竊商民例八字又於計賊科罪下
 刪各加枷號兩箇月仍盡本法刺字十三字又於勾引盜
 人同盜家長財物下刪計賊遞加竊盜一等八字又於盜
 家長財物下刪照竊盜例計賊六字
 又奴僕作雇工人杖八十作治罪

一 埠頭明知船戶不良朦混攬裝及任意扣剋水脚致船戶途

間乏用盜賣商鹽者照寫船保載等行恃強代攬勒索使用

擾害客商例治罪外加枷號一箇月船戶變賠不足之賊並

令代補如無前項情弊止於保雇不實者照不應重律杖八

十

按此條係乾隆十六年定例宣統二年刪改例文於照寫
 船保載等行恃強代攬勒索使用擾害客商例治罪下刪
 外加枷號一箇月七
 字又杖八十作治罪

一 販賣私鹽數至三百斤以上及盤獲糧船夾帶訊係大夥興

販均卽究明買自何處按律治罪如不將賣鹽人姓名據實
供出者卽將該犯於應得本罪上加一等定擬若向老幼孤
獨零星收買數在三百斤以下實不能供出賣鹽人姓名者
仍以本罪科斷如承審各員有心庇縱含混完結該管上司
不行詳揭一併題參議處

按此條係乾隆三十二年
定例宣統二年刪併見前

一 拏獲船載車裝馬馱私鹽該地方官如不按律治罪曲爲開
脫者該管上司查出卽照故出人罪律從重參處

按此條係乾隆三十二年
定例宣統二年刪併見前

一 引鹽淹消具報到官該地方州縣官卽會同營員查勘確實
限一月內通詳鹽道於詳到之日起限半月內覈轉以憑飭

商補運限三月內過所運口岸該鹽政仍將淹消補運鹽斤數目報部其沿途督撫及該管鹽道知府隨時查察如有州縣營員扶同商人捏報及勒索捺閣情弊卽行指名題參商人照例治罪

按此條係乾隆三十二年定例宣統二年於鹽道下增該道二字又題參作奏參

一江西省行銷淮鹽各州縣並山西省河東鹽池地方除商雇巡役仍各照例辦理不得擅帶鳥槍外其各省派出緝私員弁兵役准其攜帶鳥槍編列字號官爲給發遇有大夥私梟搶竊賊匪持械拒捕者許令施放鳥槍抵禦登時格殺者照罪人持仗拒捕登時格殺律勿論若非格殺或遇零星小販及雖屬大夥而非持械拒捕或緝私兵役所帶鳥槍並無官

編字號實係抵禦聚衆私梟輒行放槍致有殺傷者各依罪人不拒捕而擅殺傷律分別科斷至准帶鳥槍之處一俟梟販稍戢卽行停止儻准帶鳥槍緝私大員仍有以力不能擒藉口者卽以故縱私鹽律從重懲究其江西省各州縣每月應銷引鹽若干均分作十分責令該管道府將鹽快兵丁按月提比如月內緝私快兵能拏獲大夥私梟兩起及引鹽暢銷十分以上者酌量優賞銷至八九分者免其責罰如止七分者笞四十六分者笞五十五分者杖六十枷號一箇月四分者杖七十枷號四十五日三分者杖八十枷號兩箇月二分者杖九十枷號七十五日滿日折責仍留役如止銷至一分者杖一百枷號三箇月滿日折責革役各該員弁隨時稽

查約束如有任聽兵役得賄包庇者卽照故縱衙役犯贓例

參處

按此條係嘉慶二十年定例道光五年增定宣統二年刪去江西省行銷淮鹽地方等字改為凡商雇巡役仍照例

辦理不得擅帶槍枝外云並編列字號下刪官為給發四字又許令施放鳥槍抵禦改為許放槍抵禦又登時

格殺者刪照罪人持仗拒捕登時格殺律十二字又例內烏槍均改作槍枝又藉口下刪者字自江西省各州縣以

下均刪

一凡販私鹽徒如有略置貨物裝點客商被官兵格傷後挾制

控告者除聚眾販私殺人罪犯應死無可復加外餘於巡獲

私鹽裝誣平人滿流律上加一等發附近充軍若興販本罪

已至充軍復行挾制控告者於犯事地方加枷號一箇月滿

日發配

充軍改作發極邊足四千里安置自若興販本罪以下均
刪

一凡鹽商雇募巡役令將姓名報明運司造冊送部如因緝私
被鹽匪殺傷或殺傷鹽匪者依販私拒捕殺傷及擅殺傷罪
人各本律例分別科斷若僅止報縣有名並未詳司造冊報
部者各以凡鬪殺傷及興販私鹽本律例從其重者論

按此條係道光五年定例同治六年改定直隸山東兩省
鹽商雇募巡役由州縣詳明運司轉報鹽院有名者如因
緝拏鹽匪致被殺傷或殺傷鹽匪者各照販私拒捕殺傷
並擅殺傷罪人本律例科斷若僅報州縣有名並未詳司
報院者仍以凡鬪殺傷及興販私鹽本律例從其重者
論俟數年後梟匪稍戢仍復舊例辦理宣統二年刪其直隸
山東兩省六字改為凡鹽商雇募
巡役云其俟數年後以下刪

戶部事例

鹽法禁例

順治元年覆准場竈照額煎鹽大使親驗按月開報運使如有
隱匿以通同治罪其商人不許濫委雜役行鹽水程填明賣
銷地方完日同引繳查不得告改或鹽引焚溺取具地方官
印結查實補買

順治十六年議准將領衛所官弁縱兵私販許州縣官緝拏揭
報參處

順治十七年題准凡獲大夥私鹽必究訊窩家經紀所過地方
有無徇縱管鹽司道扶同不舉者一併參究不許以肩擔背
負奇零小販塞責

又議准貧民食鹽四十斤以下者免稅四十斤以上者仍令

納課

康熙九年題准凡旗人販賣私鹽照例治罪外其主係官罰俸
係平人鞭責佐領內管領驍騎校罰俸領催屯長鞭責其馬
場牧人有販私鹽者領去之營總參領等皆罰俸領催等各
鞭責

康熙十五年題准各官該管界內有私煎販賣者係所管衙役
革職係軍民人等降調如旗人私煎販賣本主自行拏獲者
免議

康熙十七年題准興販私鹽文武失於緝捕者如不及十人或
十人以上不帶軍器仍照例議處十人以上帶有軍器者專
管官革職兼轄官降級留任限一年內緝獲一半以上者還

職不能緝獲者照例革職該督撫巡鹽御史提督總兵官不
題參者照徇庇例議處若專管官一年內能獲大夥私販一
次至五次者分別議敘兼轄官亦照例議敘

康熙二十一年題准凡私鹽經沿途官兵捕快盤獲者徇縱場
官及失察官一併議處

康熙二十八年議准私梟全獲沿途失察武職免議

又議准武職拏獲別汎私梟者議敘

康熙三十年覆准十人以上帶有軍器興販私鹽本汎獲賊一
半以上失察各官免其處分本汎未獲別汎全獲者亦免其
處分別汎拏獲少一二人者仍照例處分

又覆准巡緝私鹽係運使專責令在所轄地方巡緝毋許差

往他方藉端生事擾害地方挾制有司

康熙三十三年議准運丁夾帶私鹽沿途各官失察謊稱出境者降調

康熙三十四年題准嗣後興販私鹽事發該管吏目典史知州知縣守備千把總等官失察一次至三次者照例議處道府直隸州副將參將游擊等官失察一次至四次者照例議處運使運同運判鹽場大使均係專管鹽務之員以後竈丁販賣私鹽大使失於覺察及知情者分別處分運同運判照該管州縣官例處分運使照府道例處分至關津過往回空糧船官坐船如有夾帶私鹽在船者將夾帶私鹽之人照興販私鹽例治罪管船同知通判守備千總文武官弁知情不知

情分別處分

康熙四十六年覆准私販致礙官引皆係積梟巨囤所致嗣後鹽法衙門將私販之徒准其用刑拷訊除正罪外其餘不得濫用刑訊

康熙四十七年覆准巡鹽御史到任差人坐守場口名爲緝私實卽射利急行裁革

又覆准私鹽之充斥皆由總商不革官自爲私各賣已鹽以圖一時之利令將總商革去違者該督撫卽行指參

雍正元年議准杜絕糧船私販將爲首旗丁按法重處

雍正二年議准販賣私鹽交與地方官不時嚴加查緝除奇零肩賣者不必緝拏儻有大夥私梟督撫會同將軍撥旗兵協

捕其販私爲首之人與裝載私鹽之船戶拏獲一同治罪拏獲及出首之人照鹽數議敘

又議准嗣後如有積梟藉稱貧民將私鹽潛行窩囤興販貿易者令地方官弁及鹽政衙門一同稽查

雍正四年議准回空糧船經過產鹽所在該地方文武官弁不行力催任其逗遛與游客囤戶等私相交易致有夾帶之事者將該地方文武官弁並押空官弁參劾照例議處運丁游客囤戶等照販賣私鹽人等例加等治罪該管鹽務運使等官掣鹽出場務將餘鹽嚴行巡查不許夾帶如有徇隱疏縱發覺之日將運司等官令該巡鹽御史照失察私鹽例題參議處其竈丁人等亦照販賣私鹽律治罪

又覆准糧船旗丁水手南北往返必須食鹽准其於受兌上船之處每船帶鹽四十斤於交卸回空處亦准其帶鹽四十斤多帶者同私鹽例從重治罪

雍正六年議准拏獲私販本犯脫逃者卽將裝鹽之脚夫水手拘獲到案詳究本犯蹤迹勒限務獲照例於私販上加治逃罪售與之人亦照私販例治罪其脚夫水手分別懲治若大夥興販照強盜例勒限嚴緝地方文武官弁照溺職例議處又議准拏獲私鹽務將人鹽數目據實詳報如有將私鹽入己或與各役分肥不行據實詳報並大夥拒捕之案以多報少者卽將該管官弁指名題參計贓治罪其有未經侵匿者照徇隱例處分上司知情故縱及雖不知情未經揭參或於

別處發覺者將該上司照失察例分別議處

又題准拏獲私鹽必詳究其買自何地賣與何人一併取具確供照興販私鹽例治罪若買自場竈將該管場司並沿途失察各官題參議處其不行首報之竈丁照販私鹽例治罪儻承審官不究私鹽之來由草率完結亦照例參處

又議准嗣後拏獲私鹽計其斤數之多寡定罪名之輕重如三千斤以下者仍照例擬以杖徒三千斤以上者卽照越境販鹽例問發邊衛充軍

乾隆元年題准六十歲以上十五歲以下及少年之有殘疾者其婦女亦止老年而孤獨無依者許其背負鹽四十斤易米度日如不合例之人概不許藉端興販其稽查之法令於本

縣報明驗實註冊給以印烙腰牌木籌每日卯辰二時赴場買鹽擔賣一日止許一次並止許行陸路不許船載

又覆准沿河文武官弁凡糧船經過在於河干竭力稽查除留食鹽外其餘夾帶之鹽照私鹽例入官

乾隆二十八年議准各場商運鹽斤船戶勾通梟販盜賣爬搶等事呈報地方官詳報鹽政詳查確實准其與淹消鹽斤一例補運所失鹽斤於各犯名下追變解部充餉如商人自行串賣捏報搶竊照私鹽例從重治罪至商賸呈報地方官抑勒不行整理一經查出指名參處

乾隆二十九年覆准糧船每隻准帶食鹽四十斤至經過查驗處所將食鹽擺列船頭聽官查驗零星稱出餘多之鹽每船

不得過二、三斤，如有多帶入官，變價充公，不得以私鹽混報，致滋擾累。

乾隆三十四年議准州縣官拏獲私鹽，概照本地官鹽價值，悉令遵照定例交商，一律變價入官。毋任胥役領賣，滋弊至拏獲牲畜價值，今昔不同，每等酌加銀二兩。如有延挨，不管以致倒斃者，著落州縣官照見定之中等價值賠補。至車船等項，務按新舊大小，照依實價據實報解。

乾隆四十三年奏准大夥梟徒拒捕傷役之案，一經審究得實，將得贓包庇之兵役，問擬斬候，私售之竈丁及窩囤之匪犯，一體擬發伊犁、烏魯木齊爲奴。

乾隆四十六年議准四川重慶一帶入楚船隻零星食鹽仿照

巴東易食零鹽之例每船不得過十斤以上儻有任意售賣過數除買鹽越販者照例究擬外其賣給多鹽之鋪卽以通同貨賣例治罪

嘉慶二十三年議准凡拏獲私鹽數在三百斤以上者將買賣何人何地及窩頓之人訊明確據關提審究按律懲治若審出買自場竈將該管場員並沿途失察各官一併題參竈丁按私販例治罪承審率混詳結者並予參處

刑部事例

鹽法

順治四年定凡姦民指稱投充滿洲率領旗下兵丁興販私鹽者杖八十其鹽斤銀錢牲口車輛等物入官巡緝員役不行

緝拏者治罪

康熙二十八年議准鹽店小票商店鹽丁概行禁止若仍擅用照違禁律治罪

康熙五十九年議准嗣後鹽梟就撫復行販私審實者將本犯解部發往和撲多烏蘭古木地方其出結之地方專汎兼轄及該管各官俱照例降級議處

雍正二年議准閩省鹽斤現交與地方官行運應將旗兵停其查緝私鹽交與地方官嚴查儻有大夥私梟總督與將軍會同撥旗兵協捕江寧兩浙亦照此例長江自京口至湖廣江西等省鹽俱出於江海交會之所大夥私梟常在此等處所聚集京口將軍管下兵丁既有船隻應照常派出旗兵於揚

子江之三江口瓜洲儀徵口截江巡查其零星肩負於民家藏匿者照常交與地方官查緝

又議准聚集私梟必有爲首之人地方官不行揭報事發之時督撫題參將匿報各官革職嚴加議罪

又議准嗣後有販私鹽梟由他處入境巡役緝拏拒捕殺傷鹽梟之案或當場人鹽並獲或於疏防限內拏獲過半以上者將事由據實呈報咨部其疏防餘犯照案緝拏

又議准貧難男婦藉鹽資生肩挑背負易米度日者照例免罪毋許官弁兵役生事擾民如有積梟藉稱貧難男婦將私鹽潛行窩頓興販貿易者令地方官弁及鹽政衙門一體稽查照例從重治罪

乾隆元年諭向因各省鹽務辦理未妥往往縱放大梟拘拏小販以致濱海近場之窮民藉肩販以度日餬口者皆遭不肖官吏兵役之拖累是以降旨特弛肩挑背負之禁原以恤養貧民濟其匱乏並非寬縱匪類使之作姦犯科也乃天津一帶無賴棍徒糾合多人公然以奉旨爲名肆行不法總督李衛未奏之先朕早已聞知今據李衛陳奏種種弊端與朕所聞無異是窮民未必霑恩而法度廢弛閭閻轉受姦民之擾矣李衛所奏辦理之處寬嚴得宜甚屬妥協著照所奏行畿輔之地如此外省亦必皆然其閩粵山東江浙等省如何一體通行之處著該部卽行妥議具奏

嘉慶二十五年諭李堯棟奏審擬販私聚衆拒捕毆傷官役各

犯一摺此案張百桂等各自販私經委員帶領商役捕拏起獲鹽簍張百桂輒敢起意糾約侯細徠等多人持械赴店搶取迨經追捕復敢拒捕毆傷官役五人實屬目無法紀該撫將起意爲首之張百桂擬以斬決聽糾同往拒傷商役之侯細徠擬以斬候本屬照例辦理但罪應斬決之張百桂既在監病斃幸逃顯戮其爲從拒捕罪應斬候之侯細徠一犯將來秋審時亦必予勾候細徠著卽行正法以昭炯戒餘俱照所擬分別完結並著刑部存記嗣後凡遇鹽梟拒捕及強盜夥劫之案其罪應斬決之首犯已故從犯內有罪應斬候者仍照本律問擬擇其情重者一名請旨卽行正法若本案仍有斬決之犯不在此例

道光十一年諭嗣後如有拏獲販私舵工水手卽著追究風客住址姓名拏獲到案按律懲辦舵工水手免其治罪若甘心包庇不肯供指卽比照販私三百斤以上不供出賣鹽人姓名之例於本罪上加一等治罪儻係挾嫌誣攀仍照誣告例加等辦理

清鹽法志卷四終

